

1941.

უფასოდ

სსსრ განათლების სახალხო
კომისარიატის ბრძანებითა და
განმარტვებითა

პრებუდი

სსსრ განათლების
სახალხო კომისარიატის

№ 1	წელიწადი მისვითა	1941 წ.
-----	------------------	---------

ფ 528.

შ ი ნ ა ა რ ს ი

1. ბრძანება № 6498—პოლიტსაგანმანათ- ლებლო მუშაობის შესახებ ხობის, აბა- შის, თელავისა და ქობულეთის რაიონებ- ში	2		3. საბჭოთა საქართველოს 20 წლისთავი საბავშვო ბაღებში	7
2. ცირკულარულად-საბჭოთა საქართველოს 20 წლისთავისა და მუშურ გლეხური წი- თელი არმიის 23 წლისთავის ჩატარების შესახებ	5		4. ინსტრუქცია—სკოლამდელთა აღზრდის დაწესებულებებსა და მეთოდურ კაბი- ნეტებში სამუშაო საათების მოწესრიგე- ბის შესახებ	11
			5. დებულება საქართველოს სს რესპუბლი- კის ანტირელიგიური მუხეუმისა	13

ОБЯЗАТЕЛЬНЫЙ ЗАКОН



გ ა ნ ს ა ხ ლ ი ა
თ ბ ი ლ ი ს ი — 1941



პოლიტსაბანაგანათლებლო მუშაკების შესახებ ხოების, აბაშის, თელავი-სა და მოზულეთის რაიონებში

გავეცანი რა გამოკვლევის მასალებს საქ. კ. პ. (ბ) ცენტრ. კომიტეტის 1940 წ. 8 თებერვლის დადგენილების რეალიზაციის მიმდინარეობის შესახებ ხობის, აბაშის, თელავისა და ქობულეთის რაიონებში, აღვნიშნავ, რომ მიუხედავად ერთგვარი გაუმჯობესებისა, აღნიშნული რაიონების მთელ რიგ პოლიტიკურ საგანმანათლებლო დაწესებულებათა მუშაობა ჯერ კიდევ არ დგას სათანადო სიმაღლეზე.

რიგ საკლებო დაწესებულებებში ჯერ კიდევ სუსტად არის დაყენებული მასობრივ-პოლიტიკური მუშაობა: არა სისტემატურად ტარდება პოლიტინფორმაცია, ლექციები და საუბრები, სუსტად არის გაშლილი საცნობო საკონსულტაციო, სამხედრო-თავდაცვითი და ფიზკულტურული მუშაობა (თელავის რაიონის სოფ. კონდოლის, მატანის, ივალთოს სას. კლუბები, ქობულეთის რაიონის სოფ. ქობულეთის, ლეღვას, ჭახათის, ხუცუნის სას. კლუბები, ხობის რაიონის სოფ. ხეთის სას. კლუბი, ბიის ქობ-სამკითხველო, აბაშის რაიონის სოფ. მარნის ქობ-სამკითხველო და სხვ.), არ არის ჩამოყალიბებული ანტირელიგიური და აგროზოტექპროპაგანდის წრეები, სუსტია დახმარება პარტიორიის დამრეკიდებლად შემსწავლელთაღმ, ცუდად მუშაობენ საკლებო კედლის გაზეთები (ქობულეთის რაიონის სოფ. ჭახათის სასოფლო კლუბი, თელავის რაიონის სოფ. კისისხევის და ქვემო-ხოდაშენის ქობ-სამკითხველოები, ზემო-ალვანის და მატანის სას. კლუბები, ხობის სარაიონო კლუბი, ქობულეთის კულტურის სახლი).

ადგილი აქვს საკლებო მუშაკთა ხელფასის დაგვიანებას (ხობის რაიონის სოფ. აბალი ხიბულის სას. კლუბი), კადრების დენა-

ლობას (ქობულეთის რაიონის სოფ. ჭახათის სასოფლო კლუბი, თელავის რაიონის სოფ. ნაფარეთის სას. კლუბი). ჯერ კიდევ არ არის მოწესრიგებული საკლებო დაწესებულებათა ბიუჯეტის ათვისება (ხობისა და თელავის რაიონები).

მიუხედავად სახკომსაბჭოს 1940 წ. 1 აგვისტოს დადგენილებისა, დღემდე არ არის განთავსებული სხვადასხვა ორგანიზაციებისაგან თელავის რაიონის სოფ. ფშავლის სასოფლო კლუბის 5 ოთახი, მატანის სასოფლო კლუბის 2 ოთახი, სარაიონო კლუბის შენობა.

ზოგიერთ საკლებო დაწესებულებაში არ განუხილავთ ამხ. კალინინის წერილი პოლიტსაგანმანათლებლო დაწესებულებათა მუშაობის შესახებ, ზოგიერთი კი დღემდე არ არის ჩამული XVIII სრულიად-საკავშირო პარტყრილობის სახელობის სოცმეჯობრებაში (თელავის რაიონის სოფ. კონდოლის, აკურისა და ივალთოს სას. კლუბები, აბაშის რაიონის სოფ. მარნის ქობ-სამკითხველო, ხობის სარაიონო კლუბი). ხობის, თელავისა და ქობულეთის რაიონებში შეკავებისად არ არის ჩატარებული საზამთრო მუშაობისათვის სამზადისი.

ძალზე სუსტად მუშაობენ თელავის, ხობისა და ქობულეთის რაიონების განათლების განყოფილებები საკლებო დაწესებულებებზე ოპერატიული ხელმძღვანელობისა და დახმარების მხრივ: აღნიშნულისა გამო

ვბრძანებ:
1. თელავის, ქობულეთის, ხობისა და აბაშის რაიონების განათლების განყოფილებებმა გადაჭრით გააძლიერონ კონკრეტულ-ოპერატიული ხელმძღვანელობა საკლებო დაწესებულებებზე, სისტემატურად გააწვიონ მათ ორგანიზაციულ-მეთოდური დახმარება და

მით უზრუნველყოთ ამ დაწესებულებებში მასობრივ-პოლიტიკური მუშაობის ცალკეული სახეების—ყოველდღიური პოლიტიკური-ფორმაციის, ლექციების, საუბრების, საცნობიო—საკონსულტაციო, სამხედრო-თავდაცვითი და ფიზკულტურული მუშაობის, ანტირელიგიური და აგროზოოტექპროპაგანდის სათანადო დონეზე დაყენება, რისთვისაც:

ა) ადგილობრივ ორგანიზაციებთან შეთანხმებით რაიონის საკლუბო დაწესებულებათა აქტივიდან გამოყოფონ ხმა-მალალი მკითხველები იქ, სადაც ისინი ჯერ კიდევ არ არიან გამოყოფილი;

ბ) ორი დეკადის ვადაში ჩამოაყალიბონ საცნობიო-საკონსულტაციო ბიუროები ყველა იმ საკლუბო დაწესებულებასთან, სადაც ასეთები ჯერ არ არის შექმნილი, და გააძლიერონ არსებული ბიუროების მუშაობა, ამ საქმეში ინტელიგენციის ადგილობრივი ძალების ფართოდ ჩაბმით;

გ) ყველა საკლუბო დაწესებულებასთან ჩამოაყალიბონ ანტირელიგიური და აგროზოოტექპროპაგანდის, სამხედრო-თავდაცვითი და ფიზკულტურულ წრეებში, ფართოდ ჩაბან ამ წრეების, მუშაობაში სპეციალისტები (აგრონომები, ექიმები, მასწავლებლები, თადარიგის მეთურები, ფიზკულტურელები და სხვ.);

დ) უზრუნველყოთ სისტემატური დახმარება პარტიის ისტორიის დამოუკიდებლად შემსწავლელთაგან და ამ მიზნით მოაწიონ სათანადო ლექციები პარტიის ისტორიის ცალკეულ საკითხებზე, ჩაატარონ კონსულტაციები, მოაწიონ ექსკურსიები, „საკ. კ. პ. (ბ) ისტორიის მოკლე კურსის“ ცალკეული თავების შესწავლისათვის საჭირო დამხმარე ლიტერატურის გამოფენა და სხვა.;

ე) მიალწიონ საკლუბო კედლის გაზეთების მუშაობის შემდგომ, გაუმჯობესებს, ამ მუშაობაში მეტი ოპერატიულობის შეტანა;

ვ) გააძლიერონ საკლუბო დაწესებულებებთან არსებული საბჭოები და ჩამოაყალიბონ ისინი იქ, სადაც ჯერ კიდევ არ არსებობენ, დაეხმარონ მათ საკლუბო აქტივის შემორებაში იმგვარად, რომ აქტივისტთა რიგებში ჩაბმული იქნან მოწინავე კოლმე-

ურნეები, სტახანოველები, სოფლის ინტელიგენციის საუკეთესო წარმომადგენლები;

თ) დაეხმარონ სოფლის საკლუბო დაწესებულებებს სამუშაო გეგმების შედგენაში და სისტემატურად აწარმოონ გეგმების შესრულების შემოწმება.

2. ხობის რაიონის განათლების განყოფილებამ დასვას საკითხი ხობის რაიონმასკომის პრეზიდიუმის წინაშე საკლუბო მუშაობაზე დაეხმარონ სოფლის საკლუბო მუშაობის შესახებ და ერთი დეკადის განმავლობაში უზრუნველყოთ სოფ. ახალი ხიბულის სას. კლუბის გამგის და სხვა საკლუბო მუშაობაზე დაეხმარონ დეკადის ლიკვიდაცია.

3. ხობის, აბაშის, ქობულეთის და თელავის რაიონების განათლების განყოფილებებმა დასვან საკითხი რაიონმასკომების პრეზიდიუმების წინაშე, რათა საკლუბო დაწესებულებებზე ბიუჯეტით გათვალისწინებული და წინა კვარტალებში გაუცემელი თანხები გაცემულ იქნას მთლიანად მეოთხე კვარტალში.

4. თელავისა და ხობის რაიონების განათლების განყოფილებებმა დასვან საკითხი რაიონის პარტიული და საბჭოთა ორგანიზაციების წინაშე, რათა საქ. სსრ სახკომსაშუსს 1940 წ. 1 აგვისტოს დადგენილების შესაბამისად საკლუბო დაწესებულებათა შენობები უმოკლეს ვადაში ზქნან განთავისუფლებული მათში ჩასახლებული ორგანიზაციებისაგან.

5. თელავის რაიონის განათლების განყოფილებამ ერთი დეკადის ვადაში ჩაატაროს ამხ. კალინინის წერილის განხილვა რაიონის ყველა საკლუბო დაწესებულებაში, სადაც ეს ღღემდე არ გაკეთებულა.

6. ქობულეთის, თელავის, ხობისა და აბაშის რაიონების განათლების განყოფილებებმა დასახონ და გაატარონ საჭირო ღონისძიებანი საკლუბო დაწესებულებათა შორის სოცშეჯიბრების გასაშლელად.

7. თელავის რაიონის სახ. განათლების გამგეს ამხ. ყარაულაშვილს მიეთითოს ინიზი, რომ მან, მიუხედავად განსახკომის გაფრთხილებისა, ვერ უზრუნველყო რაიონის

საკლუბო დაწესებულებები შესაფერისი ხელმძღვანელობითა და დახმარებით, რის შედეგადაც მთელ რიგ საკლუბო დაწესებულებებში მასობრივ-პოლიტიკური მუშაობა თითქმის ჩაშლილია.

მიღებულ იქნას ცნობად ამხ. ყარაულა-შვილის განცხადება იმის შესახებ, რომ მან ბოლო ხანებში გააუმჯობესა მუშაობა საკლუბო დაწესებულებებზე ხელმძღვანელობის დარგში.

8. ქობულეთის რაიონის განათლების განყოფილების გამგეს ამხ. ფირცხალაიშვილს მიეთითოს რაიონის საკლუბო დაწესებულებებისადმი არასაკმაო ხელმძღვანელობაზე.

9. კოლეგიის უახლოეს სესიომაზე მოსვენით იქნას ხობის რაიონის განათლების განყოფილებისა და პოლიტსაგანმანათლებლო მუშაობის სამმართველოს ინფორმაცია აღ-

ნიშნული რაიონის საკლუბო დაწესებულებათა მდგომარეობისა და მუშაობის შესახებ.

10. დაევალოს ავტონ. რესპუბლიკების განსახკომებს და ავტ. ოლქის ^{ქარაულა} რაიონის სახალხო განათლების განყოფილებებს განიხილონ ეს ბრძანება და მის საფუძველზე დასახონ და გაატარონ კონკრეტული ღონისძიებანი პოლიტსაგანმანათლებლო დაწესებულებათა მუშაობის შემდგომი გაუმჯობესებისათვის.

11. ამ ბრძანების შესრულების შემოწმებას ვეალებ განსახკომის პოლიტსაგანმანათლებლო მუშაობის სამმართველოს უფროსს ამხ. ა. გაბისონიას, რომელმაც მომახსენოს შემოწმების შედეგები.

საქ. სსრ განათლ. სახ. კომისრის მოადგილე მ. ბურჯულაძე.

აფხაზეთისა და აჭარის ავტონომიური რესპუბლიკების განსახორციელებლად
სამხრეთ-ოსეთის ავტონომიური ოლქის განათლების განყოფილებას.

**ჟვალა რაიონისა და ქალაქის განათლების განყოფილების, კულტურის
სახლების, სწავრობის, სასოფლო, საკოლმეურნეო კლუბების, მოსახლეობის
თხველოების, გიგლიოთეკებისა და მუზეუმების გაგვიანებას (დირექტორებს).**

საერთაშორისო ამბების უაღრესად გართულებულ პირობებში ტარდება წელს ჩვენს ქვეყანაში კორი შესანიშნავი საზეიმო თარიღი: საბჭოთა საქართველოს 20 წლისთავი და მუშურ-გლეხური წითელი არმიის 23 წლისთავი.

კომუნისტური პარტიის, დიდი სტალინის, საბჭოთა ხელისუფლების ბრძნული საგარეო პოლიტიკის შედეგად, უკანასკნელი წლების მანძილზე უჩვეულოდ გაიზარდა და განმტკიცდა ჩვენი დიდი სოციალისტური სამშობლოს საერთაშორისო ძალა და ავტორიტეტი.

გაიზარდა და გაფართოვდა საბჭოთა კავშირის ხალხთა ერთიანი, სტალინური მეგობრობით შემჭიდროებული ოჯახი, რომელსაც შეემატა პოლონელი პანებისაგან განთავისუფლებული დასავლეთ უკრაინისა და დასავლეთ ბელორუსიის მრავალი მილიონი მშრომელი, კარელია-ფინეთის, ლატვიის, ლიტვის, ესტონეთის საბჭოთა რესპუბლიკები, რუმინეთის ბოიარების სისხლიანი ბატონობისაგან განთავისუფლებული ბესარაბია და ჩრდილოეთი ბუკოვინა.

ქართველი ხალხი უდიდესი მიღწევებით ეგებება საქართველოში საბჭოთა ხელისუფლების დამყარების 20 წლისთავს.

რევოლუციამდე ცარიზმის კოლონია, ხოლო თებერვლის რევოლუციის შემდეგ, სამი წლის მანძილზე, მენშევიკური ბანდების სათარეშოდ ქცეული საქართველო, ეროვნული აღორძინებისა და სამეურნეო - კულტურული აყვავების გზას დაადგა საბჭოთა ხელისუფლების დამყარების შემდეგ.

20 წლის მანძილზე გიგანტური ნაბიჯე-

ბით განვითარდა ჩვენი ქვეყნის ინდუსტრი-ალიზაცია და სოფლის მეურნეობის კოლექტივიზაცია.

აყვავდა და გაიფურჩქნა ფორმით ნაციონალური და შინაარსით სოციალისტური კულტურა.

ხალხის წიადდან აღიზარდნენ ახალი ტალანტები, მოწვევლობისა და სოფლის მეურნეობის, მეცნიერების, ტექნიკისა და კულტურის მოწინავე ადამიანები.

ბოლშევიკური პარტიის ხელმძღვანელობით, ხალხთა ბელადის ამხანაგ სტალინის სისტემატური მზრუნველობისა და ყურადღების მეოხებით, ქართველი ხალხის ღირსეული შვილის, ნაწრთობი სტალინელის, ამხანაგ ლავრენტი ბერიას ხელმძღვანელობით, ორდენოსანი საბჭოთა საქართველო ჩადგა საბჭოთა კავშირის მოწინავე რესპუბლიკათა რიგებში.

წელს, 193 მილიონიანი საბჭოთა ხალხი, უდიდესი აღფრთოვანებით, ენთუზიაზმითა და სიხარულით ზეიმობს სოციალისტური სამშობლოს ფხიზელი გუზავის, გმირული მუშურ-გლეხური წითელი არმიის 23 წლისთავს.

საბჭოთა ხალხის, ბოლშევიკური პარტიის პირმშომ, უძლეველმა წითელმა არმიამ და სამხედრო-საზღვაო ფლოტმა უთვალავი გმირული ფურცლები ჩასწერეს ჩვენი სამშობლოს მშრომელთა მილიონების ბედნიერებისათვის ბრძოლის სახელოვან ისტორიაში.

წითელი არმია, მსოფლიოში უძლიერესი არმია, ის უძლეველ ციხე-სიმაგრედ არის აღმართული ჯავშანში ჩასმულ ჩვენი თვალ-

უწვდნელი ქვეყნის საზღვრებზე და მზად არის აომავად გაძლიერებული საპასუხო არატყვით ვანადგუროს ყველა მტერი და ორგულ მისსავე ტერიტორიაზე, თუ კი იგი გაბედვას ჩენი წმინდათაწმინდა საზღვრების ხელუხლებლობის დარღვევას.

საბჭოთა მრავალერიან ხალხს განუსაზღვრელად უყვარს ლენინისა და სტალინის მიერ შექმნილი წითელი არმია, რომლის არსებობის ყოველი წლისთავი ნამდვილი სახალხო ზეიმის ხასიათს ღებულობს ჩვენს ქვეყანაში.

საქართველოში საბჭოთა ხელისუფლების დამყარების 20 წლისთავისა და მუშურ-გლეხური წითელი არმიის 23 წლისთავის აღსანიშნავად პოლიტსაგანმანათლებლო დაწესებულებებში ჩატარებულმა მასობრივმა სააგიტაციო-პროპაგანდისტულმა მუშაობამ ყოველნიარად უნდა შეუწყოს ხელი მასების კიდევ უფრო მტკიცედ დარაზმვას ლენინ-სტალინის პარტიის გარშემო, ამ მუშაობამ კიდევ უფრო უნდა გააძლიეროს და გააღრმავოს მშრომელებში ინტერნაციონალური სოლიდარობის, საბჭოთა პატრიოტიზმის წმინდა გრძნობა, მათი მობილიზაციური მზადყოფნა „რათა არავითარ „შემთხვევითობას“ — და ჩენი გარეშე მტრების არავითარ ოინებს არ შევხვდეთ მოუმზადებელი“... (სტალინი).

გამომდინარე აქედან, თითოეული პოლიტგანდაწესებულების ამოცანას შეადგენს:

1. ფართოდ გააცნოს მშრომელებს საბჭოთა საქართველოს მიერ 20 წლის მანძილზე მოპოვებული უდიდესი წარმატებანი; გააცნოს მათ მუშურ-გლეხური წარმომის როლი და მნიშვნელობა საბჭოთა ქვეყნის უშიშროებისა და ხელუხლებლობის დაცვის საქმეში, ქვეყნის სამეურნეო მშენებლობის ფრონტზე მოპოვებულ წარმატებათა მიღწევაში რისთვისაც:

ა) თითოეულ საკლუბო დაწესებულებაში მოეწყოს მოხსენებები და საუბრები საქართველოში საბჭოთა ხელისუფლების დამყარების 20 წლისთავისა და მუშურ-გლეხური წარმომის 23 წლისთავის შესახებ;

ბ) ლექტორებად, მომხსენებლებად, მო-

საუბრეებად გამოყოფილი ამხანაგები და მტკიცებულნი უნდა იქნენ ადგილობრივი პარტიული ორგანიზაციების მიერ.

გ) საკლუბო დაწესებულებებში უნდა იქნეს ტიპის ბიბლიოთეკებში მოეწყოს თემატურად შერჩეული ლიტერატურის გამოფენა, შედგეს და თვალსაჩინო ადგილას გაიკრას სათანადო ლიტერატურის, საგაზეთო და საყურნალო სტატიების სარეკომენდაციო სიები; ბიბლიოთეკებმა ჩაატარონ ინდივიდუალური და ჯგუფური კონსულტაციები საზეიმო თარიღებთან დაკავშირებული ლიტერატურის დამუშავების საკითხებზე;

დ) თითოეულ საკლუბო დაწესებულებასა და მუხეუმში მოეწყოს საქართველოში საბჭოთა ხელისუფლების არსებობის 20 წლისთავისა და წითელი არმიის 23 წლისთავისადმი მიძღვნილი გამოფენები, რომლებიც სათანადოდ შერჩეული ექსპონატების საშუალებით თვალსაჩინოდ გააშუქებენ მხარის, რაიონის, სოფლის წარსულსა და აწმყოს, მათი სამეურნეო და კულტურული მშენებლობის სხვადასხვა ეტაპებს, მიღწევებს, რომლებითაც ისინი ეგებებიან საქართველოში საბჭოთა ხელისუფლების დამყარების 20 წლისთავს და უჩვენებენ აგრეთვე სოციალისტური მშენებლობის, სოფლის მეურნეობის, კულტურის მოწინავე ადამიანებს; მოხდენილად შერჩეული ექსპონატების — უმთავრესად ფოტო-სურათების, ჟურნალ-გაზეთებიდან ამოჭრილი ილუსტრაციების, პლაკატების, დიაგრამების და სხვათა საშუალებით გაშუქებულ უნდა იქნეს წითელი არმიისა და სამხედრო-საზღვაო ფლოტის მიერ განვლილი სახელგანთი გზა; ექსპონატებს შორის ფართოდ ადგლი უნდა დაეთმოს იმ მხარის, რაიონის მკვიდრთა ჩვენებას, რომლებმაც წითელი არმიის რიგებში ყოფნისას, ჩენი ქვეყნის მტრებთან ბრძოლაში გმირობა და სიმამაცე გამოიჩინეს, დაჯილდოებულნი არიან ორდენებით, მედლებით და სხვ. უზრუნველყოფილ უნდა იქნეს გამოფენის გარშემო კვალიფიციური ახსნა-განმარტებითი მუშაობის, ლექციების, საუბრებისა და კონსულტაციების ჩატარება;

ვ) თითოეულ საკლებო დაწესებულებასა და ბიბლიოთეკაში უნდა მოეწყოს თემატურად შერჩეული პოლიტიკური და მხატვრული ლიტერატურის ხმამაღალი კითხვა, წაკითხულის გარშემო საუბრების ჩატარება; ცალკეულ შემთხვევაში, კლუბის აქტივისტების დახმარებით უნდა უზრუნველყოთ ამ წიგნების, ბროშურების, ყურნალების მიწოდება მშრომელთათვის ოჯახებში;

ი) ყველა პოლიტგანაწესებულებამ გამოსცეს ტექნიკურად კარგად გაფორმებული კვლევის გაზეთის საზეიმო ნომერი;

ზ) საკლებო დაწესებულებაში გაშვებულ იქნეს თემატურად შერჩეული კინო-ფილმები, რომლებსაც უნდა ახლდეთ ზეპირი ახსნა-განმარტებანი;

კ) უზრუნველყოფილ იქნეს კლუბებსა, ქოხ-სამკითხველოებსა და ბიბლიოთეკებში რადიო-გადაცემათა კოლექტიური მოსმენა, მოსმენილის გარშემო ახსნა-განმარტებითი საუბრების ჩატარებით;

ლ) გაცხოველდეს საკლებო დაწესებულებებთან არსებული სამხედრო-თავდაცვითი წრეების მუშაობა, მოეწყოს ექსკურსიები და შეხვედრები წითელი არმიისა და სამხედრო-საზღვაო ფლოტის ნაწილებთან;

მ) განსაკუთრებული ყურადღება მიექცეს პოლიტგანაწესებულებათა გამშვენეირების საკითხს; თითოეული კლუბი, ქოხ-სამკითხველო, ბიბლიოთეკა და მუზეუმი მორთული იქნეს, როგორც შიგნით, ისე გარეთ სათანადო

ლო ლოზუნგებით, პლაკატებით, ბელადების სურათებით, ყვავილწუნულებით და სხვა.

ნ) 12—24 თებერვალს საკლებო დაწესებულებებში ჩატარდეს საქართველოში მუშაობის ხელისუფლების დამყარებიდან 20 წლისთავისა და მუშურ-გლეხური წითელი არმიის 23 წლისთავისადმი მიძღვნილი საზეიმო საღამოები სათანადო მოხსენებითა და მხატვრული განყოფილებით, რომელშიაც მონაწილეობა უნდა მიიღონ მხატვრული თვითმოქმედების წრეებმა (დრამატიული, მომღერალთა, მოცეკვავეთა, მეჩონგურეთა და სხვა).

2) შეფარდებულ იქნეს საქართველოს საბჭოთა ხელისუფლების დამყარების 20 წლისთავისა და წარმის 23 წლისთავის საზეიმო დღეებთან საკლებო დაწესებულებების შენობათა აგების დამთავრება და გახსნა.

3. სადღესასწაულო მზადებასთან დაკავშირებულ ღონისძიებათა გატარება მჭიდროდ უნდა დაუკავშირდეს სოფლის ინტელიგენციის ფართოდ ჩაბმას პოლიტგანაწესებულებათა ყოველდღიურ ცხოვრებასა და საქმიანობაში, მათი მონაწილეობის შემდგომ გაძლიერებას მასობრივ-პოლიტიკურ, კულტურულ-საგანმანათლებლო მუშაობაში.

საქ. სსრ განათლების სახ. კომისარი
ბ. პიქნაძე

პოლიტსაგანმანათლებლო მუშაობის სა-
მმართველოს უფროსი

ა. ბაზისონია

საბჭოთა საქართველოს ოცი წლისთავის დღესასწაული საბავშვო ბაღებში.

25 თებერვალს სრულდება საქართველოში საბჭოთა ხელისუფლების დამყარების 20 წელი. ეს არის ბედნიერი ცხოვრების, თავისუფალი განვითარების, სოციალისტური მშენებლობის ყველა უბანზე ბრძოლებისა და ბრწყინვალე გამარჯვებების 20 წელი.

სამუდამოდ დამსხვრეულია ჩაგვისა და ექსპლოატაციის ხუნდები. სამუდამოდ დამ-

ხობილია მენშევიკების ბატონობა, რომელთაც თავიანთი ბრძანებლობის მოკლე ვადაში ქვეყანა სრულ გაპარტახებამდის მიიყვანეს.

საქართველო უმდიდრესი მრავალსაუკუნოვანი კულტურის ქვეყანაა. ეს ის ქვეყანაა, რომელმაც მსოფლიოს მისცა მთელი კაცობრიობის ბელადი დიდი სტალინი. ეს არის

ქვეყანა, რომელმაც მოგვცა დიდი სტალინის საუკეთესო თანამებრძოლები ს. ორჯონიკიძე და ლ. ბერია.

20 წლის მანძილზე საქართველოს რესპუბლიკას უდიდესი მიღწევები აქვს მოპოვებული სახალხო მეურნეობის ყველა დარგში. არაჩვეულებრივად გაიფურჩქნა ფორმით ნაციონალური და შინაარსით სოციალისტური კულტურა.

ეს გამარჯვებანი, ეს მიღწევები, შედეგია დიდი ბელადის — ამხანაგი სტალინის ყოველდღიური ზრუნვისა და ხელმძღვანელობისა.

განსაკუთრებით დიდი გამარჯვებები მოიპოვა საქართველომ ქართველი ხალხის საუკეთესო შვილის ანს. ლ. ბერიას ხელმძღვანელობის დროს.

25 თებერვალს მთელი ქართველი ხალხი, საბჭოთა კავშირის ყველა ხალხებთან ერთად დღესასწაულობს თავისი განთავისუფლების 20 წლისთავს, აჯამებს განვლილი წლების შედეგებს და სახავს გზას კომუნისმის ახალი გამარჯვებებისაკენ.

სკოლამდელი მუშაკები, რომელთაც მინდობილი აქვთ პასუხსაგები საქმე — ჩვენი საბჭოთა ბავშვების აღზრდა, საბჭოთა საქართველოს 20 წლისთავის დღესასწაულის დღეს დიდ სიხარულს განიცდიან: საერთო გამარჯვებებით გამოწვეული სიხარული უერთდება სკოლამდელ დარგში მოპოებულ მიღწევებით გამოწვეულ სიხარულს.

მხოლოდ საბჭოთა ხელისუფლებამ შესძლო განეხორციელებია საზოგადოებრივი სკოლამდელი აღზრდის იდეა. მხოლოდ საბჭოთა ხელისუფლების დროს იქცა სკოლამდელი საქმე კერძო წამოწყებიდან, „ბურჟუაზიულ ქველმოქმედების აკრობატობიდან, რომელიც საუკეთესო მუშებს სამართლიანად სძაგდათ და ეზიზღებოდათ“, სახელმწიფოებრივ საქმედ, „რომელსაც ნამდვილად შესწევს უნარი გაანთავისუფლოს ქალი, ნამდვილად შესწევს უნარი შეამციროს და მოსპოს მისი უუფლებობა“ (ლენინი „დიდი წამოწყება“).

ლენინი საბავ. ბალებს უწოდებდა „კომუნისმის კვირტებს“. 20 წლის განმავლო-

ბაში ეს კვირტები აყვავებულ დიდ ბაღად იქცა ჩვენი პარტიისა და მთავრობის მარტოველობის შედეგად.

20 წლის მანძილზე მთელი საქართველო დაიფარა საბ. ბალების ქსელით. ამჟამად ჩვენ 636 მუდმივი საბ. ბალი გვაქვს, ხოლო ზაფხულის თვეებში იშლება უზარმაზარი ქსელი საბავშვო მოედნებისა. ჩვენი ბავშვები სარგებლობენ პარტიის, მთავრობის, მთელი საბჭოთა ხალხის შეუწელებელი ზრუნვით, სიყვარულითა და ყურადღებით.

ასეთ ზრუნვას, ასეთ სიყვარულს მშრომელთა ბავშვების მიმართ მხოლოდ ჩვენს ქვეყანაში, გამარჯვებული სოციალიზმის ქვეყანაში შეიძლება ჰქონდეს ადგილი.

20 წლის განმავლობაში საქართველოში უმაღლესი სასწავლებლების, ტექნიკუმების, სპეციალური კურსების მიერ მომზადდა კადრები. ჩვენში არა ერთი და ორი ისეთი სკოლამდელი მუშაკები, რომლებიც მთელი ოცი წლის მანძილზე, დღიდან საბჭოთა ხელისუფლების დამყარებისა, სკოლამდელ ფრონტზე მუშაობენ. ესენი მუშაობის შემსანიშნავ ნიშნებს იძლევიან და თავის გამოცდილებას უზიარებენ ახალგაზრდა მუშაკებს.

20 წლის ხელმძღვანელობამ საბავ. ბალებში, 20 წლის მუშაობამ თავის თავზე, ხელი შეუწყო საბ. ბალებში აღმზრდელობითი მუშაობის უფრო მაღალ საფეხურზე აყვანას.

სკოლამდელი მუშაკები აჯამებენ 20 წლის მუშაობის შედეგებს და ისახავენ შემდგომი მუშაობის გზებს, იმისათვის, რომ სკოლამდელი საქმე მუდამ რჩებოდეს ჩვენი კულტურული მშენებლობის ერთერთ მოწინავე უბნად.

ჩვენი ქვეყანაში ბავშვები თავიანთი სამშობლოს პატარა პატრიოტები არიან, ისინი დიდებთან ერთად განიცდიან ჩვენი მიღწევებითა და გამარჯვებებით გამოწვეულ სიხარულს.

საბჭოთა საქართველოს 20 წლისთავის დღესასწაულმა ბავშვებს უნდა მისცეს ახალი მკვეთრი განცდები, ახალი შთაბეჭდილებანი, რაც უფრო გააღრმავებს სიყვა-

რულს ჩვენი ძვირფასი სამშობლოსადმი, სიამაყეს ჩვენი მიღწევებისათვის, სიყვარულს ჩვენი ბელადებისადმი.

საბჭოთა საქართველოს 20 წლისათვის შესრულების დღესასწაულს საბ. ბალები აღნიშნავენ ბავშვებთან და მშობლებთან.

იმისათვის, რომ დღესასწაული უფრო გასაგები გახდეს ბავშვებისათვის აღმზრდელები გააცნობენ ბავშვებს ჩვენს სოც. მშენებლობის მიღწევებს. გაეცნობა უნდა დავიწყოთ ყველაზედ ახლო გარემოდან. უპირველეს ყოვლისა ბავშვებს შეიძლება ვუჩვენოთ და ვუამბოთ, თუ როგორ ვაფართოვდა მათი საბ. ბალი. აუცილებელია აგრეთვე მიაქციონ ყურადღება მშენებლობას უახლოეს უბნებში, სახლები, საბ. ბალები, სკოლები, თეატრები, ტრანსპორტის ახალი სახეები (რკინისგზა ოსეთში, აფხაზეთში, ტროლეიბუსი თბილისში და სხვ.), დანარჩენ მშენებლობას ბავშვები შეიძლება გაეცნონ ილუსტრაციებით, რისთვისაც უნდა გამოვიყენოთ ჟურნალ-გაზეთები.

აღმზრდელები უამბობენ ბავშვებს ჩვენი ბელადების — **ლენინისა** და **სტალინის** შესახებ, რომელთა ხელმძღვანელობითაც საქართველო განთავისუფლდა ჩაგვრისაგან, უამბობენ **სტალინის** თანამებრძოლებზე — **ამხ. ს. ორჯონიკიძეზე** და **ამხ. ლ. ბერიაზე**. ჩვენი ბელადების ცხოვრებაზე საუბრის დროს, აღმზრდელები ხაზგასმით აღნიშნავენ მათ სიყვარულსა და ზრუნვას ბავშვებზე.

აღმზრდელები უამბობენ ბავშვებს წითელ არმიას, რომლის დახმარებითაც საქართველომ გაინთავისუფლა თავი მონობისაგან და რომელიც ამ ოცი წლის მანძილზე გამირულად იცავს ჩვენს სამშობლოს მტრებისაგან.

სიმღერები, ლექსები, ინსცენირობები, რომლებსაც ბავშვები ამ დღისთვის მოამზადებენ, მდიდარ მასალას მისცემს თვით ზეიმის გასაფორმებლად.

ზეიმის დღეს ბავშვებს შეიძლება გაეუმართოთ პატარა კონცერტი უფროსების მონაწილეობით. შეიძლება თოჯინების

თეატრიც მოეწყოს თუ სცენარის შინაარსი შესაფერი იქნება.

იმ საბავშვო ბალებმა, რომლებმაც უნდა რამდენიმე წელიწადია რაც **სტალინის** შეიძლება ბავშვების ზეიმზე მოიბატონონ თავიანთი ყოფილი ბავშვები (აღსაზრდელები) — ამჟამად მფრინავები, ტანკისტები, წითელარმიელები, ერთი-ორი მათგანი გასაზრდა ფორმაში უამბობს ბავშვებს მის შესახებ, რომ ისინიც ამ საბავშვო ბაღში იყვნენ, ეხლა კი წითელარმიასში არიან და სამშობლოს რცევენ მტრებისაგან.

თუ საბ. ბალი დიდი ხანი არ არის რაც არსებობს და მისი პირველი აღსაზრდელები მხოლოდ სკოლის ასაკის არიან, მაშინ ეს მოწაფეები უამბობენ ბავშვებს თავიანთ წარჩინებულ სწავლაზე, თანაც ხაზს გაუსვამენ იმ გარემოებას, რომ ამაში მათ დაეხმარა საბ. ბალი, იტყვიან იმასაც, რომ როდესაც ისინი სულ დიდები იქნებიან, ემსახურებიან ჩვენს სამშობლოს და დაიცავენ მას მტრისაგან. თავის სიტყვის დამთავრებისას ყოფილი აღსაზრდელები, უსურვებენ ბავშვებს გაიზარდონ ძლიერები, ღონიერები, რომ გახდნენ დამცველები საბჭოთა ქვეყნისა.

25 თებერვლის საყოველთაო სახალხო დღესასწაული ბევრ შთაბეჭდილებებს მისცემს ბავშვებს, ხოლო დღესასწაული თვით საბავშვო ბაღში შეავსებს ამ შთაბეჭდილებებს, უფრო მახლობელს, უფრო გასაგებს გახდის მათ ბავშვებისათვის.

ღამაზად მორთული შენობა (ყვავილები, მწვანე მცენარეები, დროშები, ლოწონვები მშობლებისათვის, მთელი შენობის წესრიგი და სისუფთავე) მორთულ მოკაზმული ბავშვები — ყველაფერი ეს სათანადო განწყობას ქმნის.

სასურველია ამ დღეს ბავშვებს საბ. ბალმა საჩუქრად დაურიგოს გულსაკიდი ნიშნები: ვარსკვლავები, ალმები, ბანტები. ზეიმი უნდა დამთავრდეს გამასპინძლებით.

ყოველ საბ. ბაღში აუცილებლად უნდა მოეწყოს მშობელთა საერთო კრება. თუ საბ. ბალი რამდენიმე წელიწადია არსებობს, კრებაზე დაბატიყებს თავის ყოფილ აღსა-

ზრდელებს, ამჟამად უკვე სრულწლოვან მოქალაქეებს. ამ კრებაზე გამგე გააკეთებს მოხსენებას 20 წლის მანძილზე სკოლამდელი საქმის განვითარების შესახებ საქართველოში. მოხსენების შინაარსი ავებული უნდა იყოს შემდეგ მომენტებზე:

სკოლამდელი საქმე — ოქტომბრის სოციალისტური რევოლუციის ერთერთი მონაპოვარია, სკოლამდელი საქმე საბჭოთა ქვეყანაში — სახელმწიფოებრივი საქმეა. სკოლამდელი საქმის მნიშვნელობა ბავშვებისა და მშობლებისათვის.

ოჯახისა და საბ. ბაღის შეთანხმებული მუშაობის აუცილებლობა ბავშვების კომუნისტური სულისკვეთებით აღზრდისათვის.

მშობლების პასუხისმგებლობა ბავშვების აღზრდაზე.

მიღწევები სკოლამდელთა აღზრდის დარგში.

ქსელი, ბიუჯეტი, ლიტერატურა ბავშვებისათვის, აღმზრდელებისათვის სათამაშოების შექმნა და ასე შემდეგ. მათი საბავშვო ბაღის ისტორია, მიღწევები მისი არსებობის წლების მანძილზე (შენობა, ბიუჯეტი, მოწყობილობა).

მშობლების დახმარება ყველა ამ მიღწევებში: სიძნელები მუშაობაში და მათი გადალახვა მშობლებისა და საბჭოთა საზოგადოებრივობის დახმარებით.

მოხსენებას გამგე დაამთავრებს მოწოდებით: რომ მომავალშიც შეთანხმებულად იმუშაონ ოჯახმა და საბ. ბაღმა; რომ მშობლებმა უფრო მეტი ყურადღება გამოიჩინონ ბავშვების აღზრდის საკითხების მიმართ.

ამ კრებაზე შეიძლება მოგონებებით გამოვიდნენ საბ. ბაღის აღმზრდელები, რომელნიც რამდენიმე წლის განმავლობაში მუშაობენ სკოლამდელ დარგში, განსაკუთრებით ისეთები, რომელნიც სტაჟის მიხედვით საბჭოთა საქართველოს ტოლები არიან;

მოგონებებში მუშაკები აღნიშნავენ თუ როგორ პირობებში დაიწყო მათი მუშაობა, თანდათანობით როგორ უმჯობესდებოდა ეს პირობები და ამის პარალელურად: როგორ იზრდებოდა მათი მუშაობის ხარისხიც.

საბ. ბაღის ყოფილი აღსაზრდელები შეიძლება გამოვიყენოთ ცოცხალი დიაგრამისათვის, თუ მოხერხდება სხვადასხვა წლების გამოშვების წარმომადგენლების მოწვევა. ამ დიაგრამის მონაწილეებმა შეიძლება ციფრებით, ფაქტებით უჩვენონ დამსწრეებს — როგორ მიმდინარეობდა საბ. ბაღის ზრდა და რა მისცა მათ საბ. ბაღმა მომავალი სწავლისათვის, მუშაობისათვის.

სასურველია მშობელთა თათბირი დამთავრდეს მხატვრული განყოფილებით.

საბ. ბაღის ზრდის მაჩვენებელი ცნობები, მონაცემები, შეიძლება დიაგრამით გამოიხატოს, რომელიც ისეთ ადგილას უნდა მოთავსდეს, რომ ყველა მშობელმა შესძლოს ნახვა.

იქვე მოთავსდება კედლის ვაზეთიც, რომელშიც ასახული იქნება სკოლამდელი საქმის განვითარება 20 წლის მანძილზე და საბ. ბაღის ცხოვრება. კედლის ვაზეთში მონაწილეობა უნდა მიიღონ საბ. ბაღის ბავშვებმა, მშობლებმა, ყოფილმა აღსაზრდელებმა.

საბჭოთა საქართველოს 20 წლისთვის დღესასწაული საბ. ბაღში — ეს არის აგრეთვე მთელ საქართველოში სკოლამდელი საქმის გამარჯვებათა დათვალიერებისა, თითოეული საბ. ბაღის გამარჯვებათა და მიღწევების დათვალიერების დღე.

ეს დღე აღაფრთოვანებს სკოლამდელ მუშაკებს, თვითნატი საქმის ენტუზიასტებს, ახალი აღმავლობისათვის მუშაობაში, სტალინური ეპოქის ბედნიერი ბავშვების აღზრდის ამ პასუხსაგებისა და საბატიო საქმის საუკეთესოდ შესრულებისათვის.

აზნაზეთისა და აზარის ასსა ბანსაქომეზს, საზხრეთ-ოსეთის ავტ. ოლქის განათ. განყოფილებას და ყველა რაიონის განათლების განყოფილებას, სკოლამდელთა აღზრდის მუშაკთა კავშირის ოლქკომეზს, რაიონულ მზღვრისა და პროფკავშირებისა.

სკოლამდელთა აღზრდის დაწესებულებებსა და მეთოდურ კაბინეტებში სამუშაო საათების მოწესრიგების შესახებ — სახელმძღვანელოდ.

1. განათლების ორგანოებმა შეამოწმონ სკოლამდელთა აღზრდის დაწესებულებებსა და მეთოდურ კაბინეტებში გრაფიკით (ცხრილი) დადგენილი საათები, თანამშრომელთა სამუშაოზე გამოცხადებისა და სამუშაოდან წასვლის შესახებ — აგრეთვე ტაბელის ან სააღრიცხვო რვეულის წარმოების წესი, სამუშაო საათებში თანამშრომლების საბ. ბალის საქმეებზე წასვლის გამო.

2. გრაფიკში, ყოველი ცვლილების შეტანის შემთხვევებში სკოლამდელი აღზრდის დაწესებულების გამგისა და მეთოდური კაბინეტის მიერ უნდა ფორმდებოდეს წერილობითი განკარგულებების სახით და ეცნობოდეს თანამშრომლებს ხელის მოწერით დროულად.

3. საბ. ბალის გამგის სამუშაო დრო არანორმირებულია. გამგის სამუშაო დროს დღეში უნდა შეადგენდეს არა ნაკლებ 8—საათისა — ამისი შევა ბავშვებთან მუშაობის საათებიც თუ კი ის აეთის ატარებს.

საბ. ბალის გამგე ხელფასს იღებს სსრ კავშირის სახკომსაბჭოს 1939 წლის 29—აპრილის დადგენილებისა და პროფკავშირთა სკ. ც. საბჭოს სამდიენოს 1939 წლის 7—ოქტომბრის გადაწყვეტილების №—584 შესაბამისად.

4. საბ. ბალის გამგემ გრაფიკი ისე უნდა ააგოს, რომ მთელი სამუშაო დღის განმავლობაში საბ. ბალის გამგე ან პასუხისმგებელი პირი — მისი შემცვლელი — იმყოფებოდეს საბ. ბაღში. გრაფიკის მიხედვით სამუშაო პროცესში გათვალისწინებული დასასვენებელი დრო, საბ. ბალის გამგეს უფლება აქვს გამოიყენოს თავის საჭიროების მიხედვით.

5. საბ. ბალის სამნეო ნაწილის გამგის სამუშაო დრო არა ნორმირებულია, მის სამუშაო დროის საერთო ხანგრძლივობას უნ-

და შეადგენდეს არა ნაკლები 8—საათისა დღეში.

6. სკოლამდელთა აღზრდის მეთოდური კაბინეტის გამგისა და მეთოდისტების სამუშაო დრო არანორმირებულია, რომლის საერთო სამუშაო დროის ხანგრძლივობას უნდა შეადგენდეს არა ნაკლები 8—საათისა, ამ დროში შედის საბ. ბალის მეთოდური წრეების, სემინარების, კონსულტაციების სამუშაო დრო.

7. სამუშაო დროის ხანგრძლივობა საბ. ბალისა და სკოლამდელი მეთოდური კაბინეტების ყველა სხვა მომუშავეებისათვის (ლაბორანტი, მემანქანე, მონაგარიშე, მზარეული, დამლაგებელი, მეეზოვე და სხვ.) წესდება სსრ კავშირის უმაღლესი საბჭოს პრეზიდიუმის 1940 წ. 26—ივნისის ბრძანებულობის შესაბამისად.

8. საბ. ბალისა და სკოლამდელი აღზრდის მეთოდური კაბინეტების გამგეებს ევალებათ საბ. ბალის შინაგანაწესი შეუფარდონ სსრ კავშირის უმაღლესი საბჭოს პრეზიდიუმის 1940 წლის 26—ივნისის ბრძანებულობას.

9. საბ. ბალის აღმზრდელების ან სკოლამდელი აღზრდის მეთოდური კაბინეტების მეთოდისტების — დაწესებულების არა სამუშაო საათებში მოწყობილ — პედაგოგიურ საბჭოებზე, თათბირებზე, მორიგეობა ან სხვა გეგმიანი გათვალისწინებული ღონისძიებებზე დაუსწრებლობა ან დაგვიანებისათვის დამნაშავენი მიეცემათ დისციპლინარულ პასუხისმგებლობაში — შინაგანაწესით გათვალისწინებული სასჯელის დადებით.

10. ბავშვებთან პედაგოგიური მუშაობის ნორმალ ძირითადად დატული იქნეს 6—საათის სამუშაო დრო.

კვალიფიკაციური კატორჯის უკოლობის შემთხვევაში მემცვლელი აღმზრდელის საა-

თები უნდა დაეთმოს ძირითად აღმზრდელს, აეკრძალოს საბ. ბაღის აღმზრდელებს ბავშვებთან სამუშაო საათებში (ექსკურსია, ძილი და სხვ.) გარეშე პირებთან საუბარი, წიგნები სკოთხვა და სხვა სამუშაოების შესრულება.

11. შრომის ნაყოფიერების ზრდისა და სამუშაო დროის შექვიდროების მიზნით, დაევალოთ საბ. ბაღის აღმზრდელებს გამგის კონტროლის ქვეშ მოემზადონ სათანადოდ ბავშვებთან მეცადინეობის ჩატარებისათვის ყოველდღიურად აგეგმონ და აღრიცხონ თავიანთი მუშაობა.

12. სკოლამდელთა აღზრდის მეთოდურმა კაბინეტებმა ისე ააგონ თავიანთი მუშაობის გრაფიკი, რომ კაბინეტის სამუშაო საათები (წრები, სემინარები, კონსულტაციები, გამოფენები, ლექციები) შეუფარდონ აღმზრდელების მომსახურებას — ბავშვებთან მუშაობის დამთავრების შემდეგ. საჭიროების შემთხვევაში დაწესდეს მუშაობა მორიგეობით დღისა და საღამოს საათებში.

13. საბ. ბაღების გამგეებისა და აღმზრდელების მეთოდურ დარგში ფართო მომსახურებისათვის მოეწყოს ქალაქებისა და რაიონების მეთოდ-კაბინეტების მუშაობა კვირა დღეებში. კაბინეტის მუშაობის ნაცვლად გამოსასვლელი კვირა დღისა დასასვენებლად მიეცეთ სხვა რომელიმე სამუშაოდღე.

14. პედაგოგიური თათბირები და რაიონის საბ. ბაღების მუშაკთა მეთოდური გაერთიანებები უნდა იწვეოდეს თვეში ერთხელ აღმზრდელების არა სამუშაო საათების დროს.

იმ რაიონებში, სადაც სოფლის საბ. ბაღები დაშორებულია რაიონის ცენტრიდან, მეთოდური გაერთიანებები უნდა ჩატარდეს უბნობრივად. აუცილებლობის შემთხვევაში დაშვებული იქნეს სამუშაო დროს მუშაკების შეკრება საუბნო გაერთიანებაზე იმ პირობით, თუ ბავშვებთან მუშაობას ჩატარებს საბ. ბაღის გამგე ან სხვა რომელიმე აღმზრდელი.

15. ღია მეცადინეობაზე საბ. ბაღში აღმზრდელების დასწრება შეუძლიათ არა სამუშაო საათების დროს მხოლოდ გამონაკლის შემთხვევაში სამუშაო საათების დროს

იმ პირობით თუ აღმზრდელს ბავშვებთან მუშაობაში შეეცლის ან საბ. ბაღის გამგე ან სხვა რომელიმე აღმზრდელი.

16. ქალაქის საბ. ბაღების გამგეებში ბირები რაიონისა და ქალაქის განათ. განყოფილებებში უნდა ჩატარდეს თვეში ერთხელ საბ. ბაღის სამუშაო დღის მეორე ნახევარში. სოფლის საბ. ბაღების გამგეთა თათბირები რაიონის განათ. განყოფილებებში უნდა ჩატარდეს ორ თვეში ერთხელ საბ. ბაღების სამუშაო დღის მეორე ნახევარში.

17. რაიონის განათლების განყოფილებათა სკოლამდელი ინსპექტორების სამუშაო დრო არანორმირებულია. განათლ. განყოფილების სკოლ. ინსპექტორს და სკოლამდელი მეთოდური კაბინეტის მეთოდისტებს განათ. განყოფილების გამგის ნებართვით შეუძლიათ აწარმოონ პედაგოგიური მუშაობა საშუალოდ არანაკლებ 8—საათისა კვირაში.

18. ყველა სახის მეთოდური მუშაობა აღმზრდელებთან აგრეთვე საბ. ბაღის გამგეების თათბირები რაიონში უნდა ტარდებოდეს მტკიცე კალენდარული გეგმის მიხედვით, რომელიც დამტკიცებულია რაიონის, ქალაქის განათ. განყოფილების მიერ და დაყვანილია საბავშვო ბაღის თითოეულ მუშაკამდე.

შენიშვნა: მუხლი №3 განმარტებისათვის:

მესამე მუხლში დასახელებული დადგენილებების მიხედვით, საბ. ბაღის გამგის ხელფასის გამოანგარიშება ხდება: სტაჟის, განათლებისა და საბ. ბაღის სამუშაო დღის ხანგრძლივობის მიხედვით დამატებით 20%-სა გამგეობისათვის. მაგ. თუ საბ. ბაღის გამგე არის საშუალო განათლებით, მუშაობის სტაჟი აქვს ხუთ წელზე მეტი და საბ. ბაღი მუშაობს

9 საათს, თვეში ასეთი საბ. ბაღის გამგის ხელფასის განაკვეთი უდრის 260 მან. 6—საათის მუშაობისათვის, ხოლო 130 მანეთი 3 — საათის მუშაობისათვის—390 მან. ამას დაემატება 20% გამგეობისათვის 78 მან. სულ 390+78=468 მან.

**საქ. სსრ განსახკომის მოადგილე
მ. ბურჰულაძე**

დ ე ბ უ ლ ე ბ ა

საქართველოს სს რესპუბლიკის ანტირელიგიური მუშაუმი

I. საერთო დებულებანი

1. საქართველოს სს რესპუბლიკის ანტირელიგიური მუშაუმი არის სამეცნიერო-კვლევითი და პოლიტიკურ-საგანმანათლებლო დაწესებულება, რომელიც მარქსისტულ-ლენინური მოძღვრების საფუძველზე ნივთების, დოკუმენტების, ძეგლებისა და მხატვრული ნიმუშების ჩვენებით ასახავს რელიგიისა და ათეიზმის განვითარების ისტორიულ პროცესს საქართველოში.

2. საქართველოს სს რესპუბლიკის ანტირელიგიური მუშაუმი შედის საქართველოს სს რესპუბლიკის განათლების სახ. კომისიის სისტემაში, რომელსაც უშუალოდ ექვემდებარება და აწარმოებს მუშაობას მიხედვით.

II. მუშაუმის მიზნები და ამოცანები

3. საქართველოს სს რესპუბლიკის ანტირელიგიური მუშაუმის ამოცანებს შეადგენს:

ა) საქართველოში რელიგიისა და ათეიზმის განვითარების ისტორიული პროცესისა და სოციალისტური მშენებლობის შესწავლა, ასახვა და ჩვენება;

ბ) დაგროვებული, დამუშავებული და შესაფერისად ვაფორმებულ მასალათა გამოფენების მეშვეობით მშრომელთა ფართო მასებისათვის რელიგიისა და ათეიზმის განვითარების ისტორიის შესახებ სამეცნიერო-კვლევითი მუშაობის შედეგების გაცნობა;

გ) ფართო პოლიტიკურ-საგანმანათლებლო მუშაობის მეშვეობით მშრომელთა მასებისათვის რელიგიისა და ათეიზმის განვითარების ისტორიული პროცესის და სოციალისტური მშენებლობის გაცნობა;

დ) სახელმწიფო, პარტიული და საზოგადოებრივი ორგანიზაციებისა, სამეცნიერო-კვლევითი დაწესებულებებისა, სკოლებისა, მეცნიერული მუშაკებისა, პოლიტიკურ-საგანმანათლებლო დაწესებულებათა მუშაკებისათვის დახმარების გაწევა რელიგიისა და ათეიზმის განვითარების ისტორიისა და სოციალისტური მშენებლობის საქითების შესწავლა-დამუშავებაში.

4. თავისი ამოცანების განსახორციელებლად მუშაუმი:

ა) სისტემატურად აგროვებს, ინახავს და ამუშავებს რელიგიისა და ათეიზმის ისტორიის და სოციალისტური მშენებლობის ამსახველ ნივთებს, დოკუმენტებს, ძეგლებს, სამეცნიერო კოლექციებს, მხატვრულ და ზეპირსიტყვაობის ნიმუშებსა და სხვა მასალებს, რომლებსაც იძენს სახელმწიფო დაწესებულებებისა, ორგანიზაციებისა და ცალკეული პირებისაგან, აგრეთვე სხვა მუშაუმებთან მასალის გაცვლის მეშვეობით;

ბ) სამეცნიერო-კვლევითი მუშაობისა და სამუშაუმი მასალის შეგროვების მიზნით აწყობს ექსკურსიებს, ექსპედიციებსა და ისტორიული ძეგლების გამოკვლევას, სხვადასხვა რელიგიური დღესასწაულების შესწავლას, აგრეთვე მონაწილეობას იღებს სხვა მუშაუმებისა და სამეცნიერო ორგანიზაციების მიერ მოწყობილ ექსპედიციებსა და გამოკვლევებში;

გ) საქართველოს სს რესპუბლიკის ფარგლებში აწარმოებს რელიგიისა და ათეიზმის ისტორიის ამსახველი ძეგლების აღრიცხვას, რეგისტრაციას, დაცვასა და შესწავლას. ამ მიზნით მუშაუმი უკავშირდება მატერიალური კულტურის ძეგლთა დაცვის განყოფილებასა და მებრძოლ უღმერთოთა კავშირის ცენტრალურ საბჭოს;

დ) აწყობს რელიგიისა და ათეიზმის ის-

ტორიის და სოციალისტური მშენებლობის ამსახველი ნივთების, დოკუმენტებისა და სხვა მასალის თემატიკურ ექსპოზიციებს და სპეციალურ და მიზნობრივ გამოფენებს (მულმივსა და დროებითს);

ე) რელიგიისა და ათეიზმის ისტორიის საკითხებზე მომსახურებას უწევს სახელმწიფო დაწესებულებებს, პარტიულ და საზოგადოებრივ ორგანიზაციებს, სამეცნიერო-კვლევითი დაწესებულებებს, სკოლებს, მეცნიერ მუშაკებს, პოლიტიკურ-საგანმანათლებლო დაწესებულებათა მუშაკებს როგორც მუზეუმში მოწყობილ გამოფენებითა და ექსპონატებით, ისე თავისი ცალკეული მასალებით ფოტოსურათებისა და ასლების გადაღებით და აგრეთვე სპეციალური მოხსენებების, ლექციებისა და რეფერატების მოწყობით და მუზეუმის მიერ დამუშავებული ნაშრომებით;

ვ) მეცნიერული თანამშრომლობის, გამოცდილების გაზიარებისა და კოლექციების გაცემის მიზნით ამყარებს ურთიერთობას როგორც სხვა მუზეუმებთან, ისე სათანადო სამეცნიერო-კვლევითი დაწესებულებებთან და სხვა ორგანიზაციებთან, რომლებსაც აწვდის ინფორმაციას თავისი კვებების შესახებ, უგზავნის თავის ნაშრომებს და მათგან იღებს მათ მიერ დამუშავებულ და მუზეუმებისათვის საინტერესო ნაშრომებსა და მასალებს;

ზ) მუზეუმის ექსპონატების, გამოფენების და აგრეთვე რელიგიისა და ათეიზმის ისტორიის ამსახველი ძეგლების და სხვა ობიექტების დასათვლიერებლად ორგანიზებული ექსკურსიების ჩატარების მიზნით ამყარებს კავშირსა და ურთიერთობას სახელმწიფო დაწესებულებებთან და საზოგადოებრივ ორგანიზაციებთან, სკოლებთან და პოლიტსაგანმანათლებლო დაწესებულებებთან და მომსახურებას უწევს როგორც ექსკურსიებს, ისე ცალკეულ მომსვლელებს;

თ) თავისი მასალებით, ლექციებისა და რეფერატების მოწყობით და მეთოდური მითითებებით ეხმარება სკოლებს ისტორიის სწავლებაში თვალსაჩინოების გაძლიერების საქმეში, ხოლო პოლიტსაგანმანათლებლო

დაწესებულებებს — ისტორიულ, ეთნოგრაფიულ, საბუნებისმეტყველო, ანტირელიგიურ და სხვა თემებზე ლექციების, მოხსენებებისა და გამოფენების მოწყობისათვის;

ი) აწარმოებს მეცნიერულ საცნობარო-საკონსულტაციო მუშაობას რელიგიისა და ათეიზმის ისტორიის საკითხებზე;

კ) თავისი მუშაობის თემატიკის შესაბამისად დამუშავებს და ამზადებს გამოსაცემად მეცნიერულ შრომებს, კატალოგებს, ანტირელიგიურ კრებულებს, ანტირელიგიურ კალენდრებს, მეგზურებსა და ცნობარებს;

ლ) საქიროების მიხედვით აწყობს თავის ფილიალებს საქართველოს სს რესპუბლიკის სხვადასხვა ადგილებში.

III. მუზეუმის სტრუქტურა

5. მუზეუმში არსებობს შემდეგი ძირითადი განყოფილებანი:

- ა) შესავალი განყოფილება;
- ბ) რელიგიისა და ათეიზმის ზოგადი ისტორიის განყოფილება;
- გ) საქართველოს რელიგიური და ათეისტური ისტორიის განყოფილება;
- დ) სოციალისტური მშენებლობის განყოფილება;
- ე) ადმინისტრაციულ-სამეთურნეო განყოფილება.

6. გარდა ძირითადი განყოფილებებისა, მუზეუმი, საქიროების მიხედვით, აწყობს სამეცნიერო ხასიათის სხვადასხვა ქვეგანყოფილებებს (კაბინეტებს).

7. მუზეუმის სტრუქტურას ამტკიცებს საქართველოს სს რესპუბლიკის განათლების სახ. კომისარიატი, რომლის გარეშე არ შეიძლება მუზეუმის დამტკიცებული სტრუქტურის შეცვლა ან ქვეგანყოფილებების (კაბინეტების) დაარსება.

8. თავისი ამოცანების განხორციელების მიზნით მუზეუმი ქმნის როგორც ქალაქ თბილისის, ისე რაიონების სახელმწიფო და საზოგადოებრივ დაწესებულებებში, საწარმოებში, სკოლებში და სხვა, რელიგიისა და ათეიზმის ისტორიის მოყვარულთა აქტივს და ამყარებს მათთან მჭიდრო კავშირს, როგორც მუზეუმის თანამშრომელ-კორესპონდენტებთან.

IV. მუზეუმის მმართველობა

9. მუზეუმს სათავეში უდგას დირექტორი, რომელიც პასუხისმგებელია მუზეუმის მთელი სამეცნიერო-კვლევითი, პოლიტსაგანმანათლებლო, საფინანსო და ადმინისტრაციულ-სამეცნიერო საქმიანობისათვის.

10. მუზეუმის დირექტორს ნიშნავს და ანთავისუფლებს საქართველოს სს რესპუბლიკის განათლების სახ. კომისარია.

მუზეუმის დირექტორად შეიძლება დაინიშნოს ისეთი პირი, რომელსაც აქვს სპეციალური ან საერთო უმაღლესი განათლება.

11. მუზეუმის დირექტორი ასრულებს საქართველოს სს რესპუბლიკის განათლების სახ. კომისარიატის დირექტივებსა და განკარგულებებს.

12. მუზეუმის დირექტორის მოვალეობას შეადგენს:

ა) მუზეუმის მთელი სამეცნიერო-კვლევითი, პოლიტიკურ-საგანმანათლებლო, ფინანსური და ადმინისტრაციულ-სამეურნეო საქმიანობაზე უშუალო ხელმძღვანელობა;

ბ) საჭირო ღონისძიებათა დასახვა და გატარება მუზეუმის ამოცანების განსახორციელებლად და მისი სამუშაო გეგმების შესასრულებლად, აგრეთვე მუზეუმის მუშაკთა კვალიფიკაციის ასაშენებლად;

გ) მუზეუმის წარმომადგენლობა სხვა დაწესებულებებსა და ორგანიზაციებში.

13. მუზეუმის განყოფილებათა გამგეებს და მეცნიერ მუშაკებს ნიშნავს და ანთავისუფლებს საქართველოს სს რესპუბლიკის განათლების სახ. კომისარიატი მუზეუმის დირექტორის წარდგენით.

14. მუზეუმის დანარჩენი ადმინისტრაციულ-სამეურნეო და ტექნიკური მუშაკების მიღებას, დანიშვნასა და დათხოვნას აწარმოებს მუზეუმის დირექტორი.

15. მუზეუმის განყოფილების გამგე არის მთელი სამეცნიერო-კვლევითი და საექსპოზიციო მუშაობის ხელმძღვანელი თავისი განყოფილების ხაზით.

განყოფილების გამგე პასუხისმგებელია განყოფილების ქონების დაცვისათვის, მისი

სამეცნიერო კოლექციებისა და სხვა სამუზეუმო მასალების რეგისტრაციისა, შენობარულად და მუშაკებისა და გამოსაყენებლად განლაგებისათვის.

16. მუზეუმის ერთერთი განყოფილების გამგე ითვლება მუზეუმის სწავლულ მდივნად.

V. მუზეუმის სამეცნიერო საბჭო

17. მუზეუმის მთელი სამეცნიერო-კვლევითი და პოლიტიკურ-საგანმანათლებლო მუშაობის კოორდინაციისა და მუზეუმის მუშაობის ძირითადი საკითხების განხილვის მიზნით მუზეუმის დირექტორთან სათანადო ორგანოს სახით არსდება სამეცნიერო საბჭო.

18. სამეცნიერო საბჭოს შემადგენლობაში შედიან: მუზეუმის დირექტორი (საბჭოს თავმჯდომარე), მუზეუმის სწავლული მდივანი, მუზეუმის განყოფილებათა გამგეები და უფროსი მეცნიერი მუშაკები, საქართველოს სს რესპუბლიკის განათლების სახ. კომისარიატის პოლიტსაგანმანათლებლო სამმართველოს, საქ. სახელმწიფო მუზეუმის, მატერიალური კულტურის ძეგლთა დაცვის განყოფილების, მებრძოლი უღმერთთა კავშირის ცენტრ. საბჭოს და სხვა საზოგადოებრივი ორგანიზაციების წარმომადგენლები და პერსონალურად მოწვეული ცალკეული სპეციალისტები.

სამეცნიერო საბჭოს შემადგენლობას ამტკიცებს საქართველოს სს რესპუბლიკის განათლების სახ. კომისარიატი.

19. სამეცნიერო საბჭო იკრიბება არანაკლებ ერთთვე თვეში და განიხილავს შემდეგ საკითხებს:

ა) მუზეუმის მიერ პარტიისა და მთავრობის დირექტივების შესრულების საკითხს;

ბ) მუზეუმის სამეცნიერო-კვლევითი და პოლიტსაგანმანათლებლო საქმიანობის საერთო წარმართვის საკითხებს;

გ) მუზეუმის მუშაობის ძირითადი ამოცანებიდან გამომდინარე საკითხებს და ამ ამოცანების შესრულების ღონისძიებებს;

დ) მუზეუმის მუშაობის წლიურსა და კვარტალურ გეგმებსა და ანგარიშებს;

ე) მუზეუმის განყოფილებათა და დამხმარე დაწესებულებათა ორგანიზაციისა და რეორგანიზაციის საკითხებს;

ვ) მუზეუმის ძირითადი გამოფენებისა და ექსპოზიციის პროექტებსა და თემატიკას;

ზ) მუზეუმის მუშაობა მომზადება-გადამზადების და მათი კვალიფიკაციის ასამაღლებელ ღონისძიებებს.

სამეცნიერო საბჭოს დადგენილებებს ამტკიცებს მუზეუმის დირექტორი და აფორმებს ბრძანების სახით.

20. ვარდა მუდმივი სამეცნიერო საბჭოსი, მუზეუმს შეუძლია მოაწყოს კომისიები ცალკეული მეცნიერულ-თეორიული და პრაქტიკული საკითხების დასამუშავებლად, ამ კომისიებში შესაფერისი სპეციალისტების მოწვევით.

VI. მუზეუმის მატერიალურ-უფლებრივი მდგომარეობა

21. მუზეუმი სარგებლობს იურიდიული პირის უფლებებით და აქვს დამტკიცებული ნიმუშის ბეჭედი.

22. მუზეუმის მთელი მოძრავი და უძრავი ქონება შეადგენს სახელმწიფო საკუთრებას და მისი განსხვისება არ შეიძლება საქართველოს სს რესპუბლიკის განათლების სახ. კომისარიატის გარეშე.

23. მუზეუმის შტატს ამტკიცებს საქართველოს სს რესპუბლიკის განათლების სახ. კომისარიატი.

24. მუზეუმს აქვს თავისი შემოსავალ-გასავლის წლიური ხარჯთაღრიცხვა, რომელ-

საც ამტკიცებს საქართველოს სს რესპუბლიკის განათლების სახ. კომისარიატი.

25. მუზეუმის სახსრები შესდგება:

ა) საქართველოს სს რესპუბლიკის განათლების სახ. კომისარიატის ბიუჯეტით გათვალისწინებულ სახსრებისაგან;

ბ) სპეციალური სახსრებისაგან (შემოსავალი გამოფენებიდან და სხვ.).

26. მუზეუმს აქვს საბიუჯეტო და მიმდინარე ანგარიში სახელმწიფო ბანკში.

27. კრედიტების განმკარგულებელი დამტკიცებული ხარჯთაღრიცხვის ფარგლებში არის მუზეუმის დირექტორი.

28. საქართველოს სს რესპუბლიკის განათლების სახ. კომისარიატის ნებართვით მუზეუმს შეუძლია მოაწყოს დამხმარე დაწესებულებები: ბიბლიოთეკა, ლაბორატორიები, სარესტავრაციო და სამულაჟო სახელოსნო, ფოტოლაბორატორია და სხვ.

უკეთეს შეუძლებელია მუზეუმთან ამა თუ იმ დამხმარე დაწესებულების მოწყობა, მუზეუმს შეუძლია გადასცეს ხელშეკრულებით სათანადო სამუშაოების შესასრულებლად სხვა სახელმწიფო, საზოგადოებრივ და კოოპერატიულ ორგანიზაციებს.

29. თავის სამუშაო გეგმებს, ანგარიშებს და აგრეთვე სტატისტიკურ და სხვა ცნობებს მუზეუმი წარუდგენს საქართველოს სს რესპუბლიკის განათლების სახ. კომისარიატს.

30. მუზეუმის ლიკვიდაცია შესაძლებელია მოხდეს მხოლოდ საქართველოს სს რესპუბლიკის სახ. კომისარიატის საბჭოს დადგენილებით.



პ/მგ. რედაქტორის მაგ. მ. ბუჩუქიძე

პ/მგ. მდივანი მ. შანიშვილი

გადაეცა წარმოებას 1941 წ. 24/1 ხელმოწერილია დასაბეჭდად 1941 წ. 22/II ფორმატი 8×12 ქალაქის ზომა 70×105 ფორმათა რაოდენობა 1 1/2 სასტამბო ნიშნითა რაოდენობა ფორმაში 70.000. ტირაჟი 3000. შეკვეთა № 398, უშ11375

სტამბა გამ-ბა „ზარია ვოსტოკისი“, რუსთაველის პრ., 36.

Тип. „Заря Востока“. Тбилиси, Руставели, 36.

Заказ № 398

УЭ 11375

Тираж 3000